



Egna grupa da quater skiünzs e rivada durant la cursa d'orientaziun tigl Urs digl Tambo



Babs a fecls tigl Urs digl Tambo.



Egna grupa da giuvenils gioda la possa durant la cursa d'orientaziun alpina.

FORUM

Igl plascher cuminevel far sport

A Spleia ân gieu liac duas curtorevlas ocurenzas da skis: Igl SC Tambo Spleia â anvindo a la cursa da muntogna da Tanatz ad a la cursa d'orientaziun agl antschies da skis.

STEFAN MÜHLEMANN

Amaduas ocurenzas da skis digl SC Tambo Spleia en vagnidas inventadas igl unviern da la pandemia, cur c'ign veva da taner distànza a las concurenzas publicas earan rastranschidas.

Par tutegna porscher egn'ocasiun a giasts a cumembers digl club da giuder igl sport unviern, e'gl vagnieu mess ad ir quellas duas ocurenzas da sport sainza igl sforz da cumbat.

Cun skis da passlùng near gianealas

La cursa da muntogna Tanatz â antschiet a las 8.30 a la staziun a val, la fredda damàn digls 15 da favrer. Igl e sto da surmuntar 650 altimeters cun skis da passlùng near cun gianealas. Igl partizipants en partieu an pintgas grupas tanor clasas da farmezga, igls unfants acumpagnieus da manaders sculos. Igl ple giuvenis da seat ons ân gieu d'absolver igl miez digl tschancùn. L'aszensiun segl òlt da Tanatz magna par lùng da la strada

digl pass. Davent digl Bodmastafel va'gl sen la senda ad igl viél da scursalar – dantant splendorava igl sulegl. Sen veia ear'igl dus post da saproviantar.

Bùns dus tearzs digls partizipants en rivos a la staziun da muntogna. An mintga cass tuts c'earan cuntaints d'aver fatg da cuminànza quella prestaziun sportiva.

Atraviers igl antschies d'ir cun skis

La cursa d'orientaziun agl antschies d'ir cun skis e vagnida fatga cun skis alpins

near cun l'essa. Ear qua eni partieu an grupas pintgas da dus antoca sis dels: unfants a giuvenils cugls geniturs near pèrs carschieus. Passànd igls posts ân gieu la leztga da raspunder a las amparadas, near da schliear angivegns. Sper igl Urs digl Tambo sacatava egn post da saproviantar cun bavràndas tgòldas. Cun la schliaziun corecta a datgànd egn fotografia near egn'indicaziun davart igl proxim post e'gl sto da parcurer an etapas igl antschies d'ir cun skis. Da quella maniera ân cumbi-

no igl pled da schliaziun. Las squadras ple sveltas vevan cato quel gea an teama d'egn'ura a measa: «Chilchalphora».

Igl 2 da marz â liac igl tradiziunal Biatlonsprint da Spleia par unfants a carschieus. Par ulteriuras infurmaziuns a las anuntzgas e'gl da consultar la pagina sc-tambospluegen.ch/enroll.

Quest text è vegni translata da Bartolome Tscharner



L'aszensiun sen la senda da viandar segl Bodmastafel.



A caschùn da l'aszensiun sen la strada digl pass da Spleia.



An mùnt agl pass da skating.



An mùnt agl pass da skating.



La cursa a val sen la pista nera cugls skis da passlùng e betga tgossa da mintegn/a.



Rivos agl final segl òlt da Tanatz – Tge grànd plascher!